

Inzko je zahvalio Guttenbergu na doprinosu koji je dala Njemačka i naglasio da je članstvo u NATO-u strateški cilj Bosne i Hercegovine



Visoki predstavnik i specijalni predstavnik Bosne i Hercegovine Valentin Inzko danas se sastao sa njemačkim ministrom odbrane dr. Karl-Theodorom Freiherrm zu Guttenbergom i upoznao ga sa napretkom koji je Bosna i Hercegovina postigla u provođenju reformi potrebnih za euroatlantske integracije.

Pozdravljajući činjenicu da je Vijeće EU još jednom istaklo svoju punu podršku evropskoj perspektivi Bosne i Hercegovine, visoki predstavnik i specijalni predstavnik EU je naglasio da je EUFOR važan dio sveobuhvatnih napora EU usmjerenih na podržavanje napretka u Bosni i Hercegovini, posebno procesa evropskih integracija.

U opširnijoj diskusiji o vojnim postignućima i odluci Vijeća EU da u okviru operacije Althea počne pružanje pomoći u izgradnji institucija i provođenju obuke, visoki predstavnik i specijalni predstavnik EU je istakao da je »reforma sigurnosnog sektora važan dio sveukupnih reformskih procesa u Bosni i Hercegovini i da će vojni angažman EU, putem izvršavanja zadataka u oblasti izgradnje institucija i

provođenja obuke, bez korištenja izvršnog mandata, doprinijeti jačanju odgovornosti lokalnih vlasti i njihove sposobnosti da preuzmu odgovornost.»

Na kraju sastanka visoki predstavnik i specijalni predstavnik EU je zahvalio ministru Guttenbergu na nesebičnom i neprekidnom doprinosu Njemačke u okviru mirovnog procesa i euroatlantskih integracija Bosne i Hercegovine.